



UNIVERSITÄTS-
BIBLIOTHEK
PADERBORN

**Cl. Viri Valerii Andreae Desselii In Academia Lovaniensi
Professoris Regii Erotemata Juris Canonici**

Andreas, Valerius

Coloniae, 1697

XXXVIII. De Pœnitentiis & Remissionibus.

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

De Pœnitentiis & Remissionibus.

TIT. XXXVIII.

can. Pœnitentia. Pœnæ, de quibus Tit. proximo, fori sunt externi seu judicialis: hoc Tit. 4. *dist. 3. de pœnit.* agitur de pœnis fori interioris, seu animæ, id est, de Pœnitentiis & Remissionibus sive Indulgentiis.

can. Ecce *39. infine* *De pœnit.* *dist. 1. &* *can. 1. &* *6. dist. 3.* *Quid est Pœnitentia & quotuplex?*
Pœnitentia est quædam dolentis vindicta, puniens in se quod dolet commisisse. Et est vel *Interna*; scilicet virtus mentis seu actus interior, quo pœnitemus & dolemus de peccatis; vel quo præterita mala plangimus, & plangenda non committimus. Vel *Externa*, & est Sacramentum, quod jam baptizatis, sed naufragium passis, id est in peccatum mortale lapsis, tanquam secunda naufragii tabula ad salutem necessaria subservit.

Quæ sunt partes Pœnitentiæ?

Partes integrales Pœnitentiæ, & materia quasi proxima (nam materia sunt peccata) sunt *Contritio*, *Confessio* & *Satisfactio*, quibus concurrentibus Pœnitentia peccatorum operatur remissionem.

Concil. Triad.

Sess. 14. c. 1. p. 4.

Quid est Contritio?
 Contritio est animi dolor ac detestatio de peccato commisso, cum proposito non peccandi de cætero. *Quo.*

Quotuplex est Contritio?

Duplex, alia perfecta, quæ proprie *Contritio* appellatur, & est dolor ac detestatio peccati propter Deum summè dilectū, ob ejus bonitatem supernaturalem, seu ut auctor est gratiæ, ac gloriæ: alia imperfecta, quæ dicitur *Attritio*, & est dolor ac detestatio peccati super omnia, cum proposito vitæ melioris ac voto Sacramenti; non tamen propter Deum summè dilectum, sed quia *Contritio* illa imperfecta vel ex peccati turpitudine, vel ex gehennæ & pœnarum metu communiter concipitur.

Trid. d. loco.

Quid Confessio?

Confessio est peccatorum suorum Sacerdoti proprio, habenti jurisdictionem & absolvendi potestatem, ad eorum sacramentalem remissionem obtinendam facta declaratio & accusatio;

Daturne hac potestas cuilibet Sacerdoti?

Conceditur quidem illa unà cum potestate Ordinis, atque in ipsa ordinatione, sed quasi in habitu & incompletè, quia nequit exire in actum, nisi aut parochiale beneficium habeat, aut ab Episcopo per examen ad hoc idoneus judicetur, etiam Regularis. Præterquam in articulo mortis vel alio quocunque periculo gravi.

Trid. loc. cit. Sess 23. c. 15. de re-form.

V

Qua

Qua peccata in Confessione sum exprimenda?

Vide Val. len. hic §. 3. Venialia quidem utiliter, sed non necessario: mortalia verò omnia aperte & distinctè, quantum post diligens conscientia examen fieri potest, una cū circumstantiis notabiliter aggravantibus aut minuentibus, exprimenda sunt.

Quid est Sigillum seu secretum Confessionis?

Trid. Sess. 14. c. 8. circa fin. c. 9. can. 85. de pœnit. dist. 1. Est obligatio celandi & non revelandi ea, quæ in Confessione sacramentali dicuntur & audiuntur, non tantum omnia peccata mortalia aut venialia, sed & omne id, per quod peccatum in Confessione detectum directè vel indirectè quocunque modo possit revelari, in genere vel in specie.

Quid est Satisfactio?

Trid. Sess. 14. c. 8. circa fin. c. 9. can. 85. de pœnit. dist. 1. Est solutio pœnæ pro peccato, quam vel Sacerdos per potestatem clavium, non ad solvendum duntaxat, sed & ad ligandum sibi concessam, pro mensura delicti imponit, vel ipse pœnitens sponte sua pro vindicando peccato suscipit. Vel Satisfactio est quædam compensatio Deo facta pro injuria ei illata per peccatum; cum proposito eum amplius non offendendi, & spe veniæ.

Quæ hic dicuntur Remissiones?
Remissiones nihil aliud sunt quam
In.

Indulgentiæ, per quas tollitur pœna temporalis peccati, quæ remanet sublata per Confessionem & contritionem peccati culpa.

can. Peccatum de pœnis. dist. 1.

Quoruplices sunt Indulgentia?

Sunt vel *Privata*, quæ à singulis Sacerdotibus, qui curam habent animarum, dari possunt, juxta illud, *Quodcumque solveris, &c.* vel *Publica*, quæ non conceduntur nisi à S. Pont. & cæteris Episcopis, sed quorum hac in parte, limitata est potestas ad certum tempus, certumque numerum dierum, qui excedi non potest, nimirum in consecratione Ecclesiæ non ultra anni unius spatium, & in anniversario consecrationis XL. dierum, Solisque subditis profunt hujusmodi indulgentiæ, Plenissimam & generalem remittendi potestatem habet S. Pont. & peccatorum omnium veniam concedit.

c. Quodcumque xxiv. qu. 1.

c. 4. in fine & c. ult. eod. in 6.

De sententia Excommunicationis.

TIT. XXXIX.

Restat gravissima omnium pœnarum Ecclesiasticarum Excommunicatio, animam delinquentis occulto velut gladio penetrans, qua Ecclesia rebelles suos ac contumaces ferire so-

V. 2 let;